



國家圖書館分館編

清代孤本方志選

(第二輯第二十七冊) 福建 清流縣志[康熙]十卷首一卷

清流縣誌序

修誌可易言乎哉修誌可  
易言則天下將無誌修誌  
可難言乎哉修誌必難言  
則天下亦將無誌然而以

爲易則原未嘗易以爲難  
則亦未必難蓋曰存乎其  
人焉而已清流舊無誌叙  
于明嘉靖乙巳邑侯西川  
陳公秀甫筆也沿至

國朝康熙四年踰甲子者三  
再三十七載迄辛午舊編  
漫漶新跡無傳寧非蒞邑  
者之闕與三韓王君尹清  
方期月卽矢志修葺急先

也乃蓬邑之嫺於史者  
適邑紳主君作菴氏致政  
歸懸車里中舊有誌稿藏  
之今令遂委重焉且延諸  
生劉夢橘伍元羅賡在陳

應奎余日升伍超然裴方  
升伍機李元莘伍邦璜等  
悉心採訪同加參訂自初  
夏始事至冬末告厥成誌  
凡一十卷有綱有目有敘

有論條分縷晰溯源窮委  
庶幾稱完書云余時留侯  
代未去因取而觀之觀興  
地曰峻嶺崇岡深潭碧瀾  
九龍玉華之險連延邵向

拱郡城雖蕞爾地實江廣  
襟喉也士務於學農民家  
於畝畝皆賢有司之所培  
植也問猶有器窳偷生者  
乎猶有重巫信鬼者乎長

民者其慎治之及建置曰  
惟王建國設官分職立民  
極也黨庠塾序陶冶群才  
也步伐止齊除戎器戒不  
虞也表厥宅里樹之風聲

彰善癉惡也荒政卹政之  
具重民生而哀民死也良  
法美意體之則得背之則  
失蓋可忽乎哉及祠祀曰  
國家大事戎外惟祀故生

而有功德於民者歿而得  
與於祭以云報也匪此族  
也不在祀典乃有宜人而  
不人宜火而不火者何居  
乎我未之前聞也及興禮

曰三代精意缺有間矣今  
之所錄亦禮制之粗跡耳  
然惟名與器不可假人存  
之存之其此日之餽羊與  
及頒宮禮樂曰美哉洋洋

平國家之所以崇德而報  
功學士之所爲竭誠而致  
敬者盡在是矣按圖考聲  
可述而誌誰云禮壞樂崩  
也及食貨誌曰嗚呼東南

民力竭矣古者什一而稅  
故民有餘力而頌聲作今  
地非加闢也而倍蓰日增  
莫知所極矧水陸衝繁力  
役之征尤急吁囂陳矣盡

夜靡寧視古公旬三日者  
何如吾儕守此寧可病民  
以免罪不敢保民以德罪  
也父母之謂何及秩官曰  
無曠庶官天工人其代之

聖有謨訓夫誰敢渝故或  
爲長官或爲佐貳職有敘  
當庖人不治庖而代之出  
位之謀君子弗取及名宦  
曰此其流風善政之在人